



**ՎԱՐԱԿԻՉ ՀԻՎԱՆԴՈՒԹՅՈՒՆՆԵՐԻ,
ՍՆՆԴԱՅԻՆ ԵՎ ՔԻՄԻԱԿԱՆ
ԹՈՒՆԱՎՈՐՈՒՄՆԵՐԻ
ՀԱՄԱՃԱՐԱԿԱՅԻՆ ԻՐԱՎԻՃԱԿ**

ԱՊՐԻԼ 2019 թ.

ՏԵՂԵԿԱԳԻՐ


ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆՈՒՄ 2019Թ. ԱՊՐԻԼ ԱՄՍՎԱ ԸՆԹԱՑՔՈՒՄ ԱՐՁԱՆԱԳՐՎԱԾ ՎԱՐԱԿԻՉ ԵՎ ԶԱՆԳՎԱԾԱՅԻՆ ՈՉ ՎԱՐԱԿԻՉ ՀԻՎԱՆԴՈՒԹՅՈՒՆՆԵՐԻ, ԹՈՒՆԱՎՈՐՈՒՄՆԵՐԻ, ՎԻՃԱԿՆԵՐԻ ԴԵՊՔԵՐԻ ՎԵՐԱԲԵՐՅԱԼ

2019թ. ապրիլ ամսվա ընթացքում Հայաստանի Հանրապետությունում I խմբի միկրոօրգանիզմներով հարուցված, հանրային առողջապահության ոլորտում միջազգային նշանակության արտակարգ իրավիճակ առաջացնելու ներուժ ունեցող հիվանդություններ, դեպքեր չեն արձանագրվել:

Հայրուկ վրանգավոր վարակներ

Բրուցելոզ

2019թ. ապրիլին հանրապետությունում արձանագրվել է բրուցելոզի 30 դեպք, որից 2-ը՝ Երևան քաղաքում, 8-ը՝ Արագածոտնի մարզում, 6-ը՝ Արմավիրի մարզում, 6-ը՝ Սյունիքի, 3-ը՝ Գեղարքունիքի մարզում, 2-ը՝ Վայոց Ձորի, 1-ը՝ Կոտայքի, 1-ը՝ Արարատի, 1-ը՝ Շիրակի մարզերում: Յուրաքանչյուր դեպքի մասին տեղեկատվությունը տրամադրվել է ՀՀ կառավարությանը ենթակա սննդամթերքի անվտանգության տեսչական մարմին՝ կենդանիների շրջանում համապատասխան միջոցառումներ կազմակերպելու համար:




Գծապատկեր 1. Հայաստանի Հանրապետությունում 2018-2019 թթ հունվար-ապրիլ ամիսներին արձանագրված բրուցելոզի դեպքերը

Ըստ գծապատկեր 1-ի՝ հանրապետությունում 2019թ. ապրիլին արձանագրված բրուցելոզ հիվանդության դեպքերը նախորդ ամսվա համեմատ աճել են 2.1 անգամ, իսկ 2018թ. նույն ժամանակահատվածի համեմատ՝ 1.6 անգամ:

Օդակաթիլային վարակներ

Գրիպ և Սուր շնչառական վարակ

2019թ. ապրիլ ամսին Հայաստանի Հանրապետության տարածքում շարունակվում է գրանցվել սուր շնչառական վարակներով՝ (այսուհետ՝ ՍՇՎ), պայմանավորված հիվանդացության ցածր ակտիվությամբ: ՍՇՎ դեպքերը նախորդ ամսվա համեմատ նվազել են 1.5 անգամ: Ընդհանուր ՍՇՎ ախտորոշվածների 4,6%-ը հոսպիտալացվել են Հանրապետության տարբեր բժշկական կենտրոններ: Առավել շատ դեպքեր արձանագրվել են 0-4 տարեկանների շրջանում: 2019թ. ապրիլ ամսվա ընդհանուր ցուցանիշը 2018թ. և 2017թ նույն ժամանակահատվածի համեմատ նվազել՝ 1 անգամ:




Գծապատկեր 2. 2018-2019 թթ. հոկտեմբեր – ապրիլ ամիսների ընթացքում արձանագրված սուր շնչառական վարակների հիվանդացության ցուցանիշն ըստ 100.000 բնակչի

Ապրիլ ամսվա ընթացքում, գրիպի դեռաբային համաճարակաբանական հսկողության շրջանակներում, գրիպանման հիվանդություններից և ծանր սուր շնչառական վարակներից հետազոտվել է 100 նմուշ: Լաբորատոր հետազոտության արդյունքում արձանագրվել է գրիպի Ա տեսակի H1N1 ենթատեսակի 7 դեպք, H3 ենթատեսակի 8 դեպք, ռեսպիրատոր սինցիտիալ և ադենո վիրուսներով հարուցված վարակի՝ 2 դեպք, ռինովիրուսով հարուցված վարակի՝ 1 դեպք: Նախորդ տարվա նույն ժամանակահատվածում արձանագրվել է գրիպ Բ տեսակի՝ 3 դեպք, գրիպի Ա տեսակի H1N1 ենթատեսակի՝ 36 դեպք:

Այլ օդակաթիլային վարակներ (ջրծաղիկ, քուբեշ, վարակային մոնոնուկլեոզ)

Ջրծաղիկ

2019թ. ապրիլին հանրապետությունում արձանագրվել է ջրծաղիկի 1554 դեպք, նախորդ տարի՝ 1693 դեպք:




Գծապատկեր 3. Հայաստանի Հանրապետությունում 2018 և 2019 թթ հունվար-ապրիլ ամիսներին արձանագրված ջրծաղիկ դեպքերը

Ըստ գծապատկեր 3-ի՝ 2019թ. ապրիլին արձանագրված ջրծաղիկ դեպքերը նախորդ ամսվա համեմատ աճել են 1.3 անգամ, իսկ 2018թ նույն ժամանակահատվածի համեմատ՝ նվազել 1 անգամ: Ընդհանուր առմամբ դեպքերի 88,8% արձանագրվել է 0-18 տարեկանների շրջանում: Դեպքերի 81.0% արձանագրվել է քաղաքային բնակչության շրջանում, որտեղ առկա են պայմաններ մարդկանց ավելի սերտ շփման համար: Նշված ժամանակահատվածում հղիների շրջանում արձանագրվել է ջրծաղիկի 3 դեպք, որի մասին տեղեկատվությունը տրամադրվել է ՀՀ ԱՆ մոր և մանկան վարչություն:

Ընտանեկան և կազմակերպ օջախներում հնարավորության սահմաններում առաջին դեպքերը մեկուսացվում են և հսկողություն է սահմանվում հիվանդի հետ շփված երեխաների նկատմամբ:

Քուբեշ

2019թ. ապրիլին հանրապետությունում արձանագրվել է քուբեշի 202 դեպք, նախորդ տարի՝ 108 դեպք:




Գծապատկեր 4. Հայաստանի Հանրապետությունում 2018 և 2019 թթ. հունվար-ապրիլ ամիսներին արձանագրված քրոբեշի դեպքերը

Ըստ գծապատկեր 4-ի՝ արձանագրված քրոբեշի դեպքերը նախորդ ամսվա և 2018թ. նույն ժամանակահատվածի համեմատ աճել են համապատասխանաբար 1.3 և 1.8 անգամ: Առավել շատ դեպքեր արձանագրվել են 3-6 տարեկան երեխաների շրջանում՝ 127 դեպք, որը կազմում է ընդհանուր արձանագրված դեպքերի 62.8%-ը: Դեպքերի մեծ մասը արձանագրվել են քաղաքաբնակ բնակչության շրջանում՝ 88.6%, որտեղ առկա են պայմաններ մարդկանց ավելի սերտ շփման համար: Բոլոր դեպքերն ենթարկվել են համաճարակաբանական հետազոտության, որի նպատակն է հնարավոր վարակի աղբյուր հանդիսացող հիվանդության ջնջված ձևերով հիվանդների հայտնաբերումը, կանխելով վարակի հետագա տարածումը:

Վարակային մոնոնուկլեոզ

2019թ. ապրիլին հանրապետությունում արձանագրվել է վարակային մոնոնուկլեոզի 60 դեպք, նախորդ տարի՝ 40 դեպք:




Գծապատկեր 5. Հայաստանի Հանրապետությունում 2018 և 2019թթ հունվար-ապրիլ ամիսներին արձանագրված վարակային մոնոնուկլեոզի դեպքերը

Ըստ գծապատկեր 5-ի՝ 2019թ. ապրիլ ամսվա ընթացքում արձանագրված մոնոնուկլեոզով պայմանավորված հիվանդության դեպքերը նախորդ ամսվա համեմատ աճել են 1.1 անգամ, իսկ նախորդ տարվա նույն ժամանակահատվածի համեմատ՝ 1.5 անգամ: Ապրիլ ամսվա ընթացքում արձանագրվել է մոնոնուկլեոզի 60 դեպք, որից 54-ը՝ արձանագրվել է 0-18 տարեկան երեխաների շրջանում:

Աղիքային վարակիչ հիվանդություններ

Հայաստանի Հանրապետությունում 2019թ. ապրիլ ամսին արձանագրվել է աղիքային վարակիչ հիվանդությունների 771 դեպք, որից 191 դեպքն արձանագրվել է Երևան քաղաքում, 580-ը՝ մարզերում: 2018թ. նույն ժամանակահատվածի համեմատ աղիքային վարակներով հիվանդացությունը աննշան աճել է:



Գծապատկեր 6. Աղիքային վարակների հիվանդացությունը 2018-2019թթ. հունվար- ապրիլ ամիսներին

Ըստ գծապատկեր 6-ի՝ 2019թ. մարտ ամսվա համեմատ (650 դեպք) աղիքային վարակներով հիվանդացությունը աճել է մոտ 1.2 անգամ:

Արձանագրված աղիքային վարակիչ հիվանդությունների օջախներում իրականացվել են համաճարակաբանական հետազոտություններ և հակահամաճարակային միջոցառումներ՝ վարակի հետագա տարածումը և բռնկումների առաջացումը կանխարգելելու նպատակով:

2019թ. ապրիլի 16-26-ն ընկած ժամանակահատվածում Տավուշի մարզի Նավուր համայնքում արձանագրվել է աղիքային վարակիչ հիվանդությունների բռնկում: Հիվանդների ընդհանուր թիվը կազմել է 80, որից 52-ը 0-18-ից տարեկան:

Համաճարակաբանական հետազոտությունների արդյունքում պարզվել է, որ բռնկման առաջացման պատճառ է հանդիսացել Նավուր համայնքի խմելու ջրի ջրատարներից մեկի՝ Մեծ աղբյուր ջրատարի ջրի աղտոտումը, ինչը հաստատվել է իրականացված լաբորատոր հետազոտությունների արդյունքներով:

Իմունականիսարգելում

Հայաստանի Հանրապետությունում կառավարելի վարակիչ հիվանդությունների առումով իրավիճակը բարենպաստ է: 2019թ. ապրիլ ամսին հանրապետությունում արձանագրվել է կապույտ և հարկապույտ հազի 4 դեպք՝ չպատվաստած և թերի պատվաստված անձանց շրջանում:

1 տարեկան երեխաների շրջանում պատվաստումներում ամբողջական ընդգրկվածության միջին հանրապետական ցուցանիշը ապրիլ ամսին կազմել է 88% (նպատակային ցուցանիշը՝ 90%): 2 տարեկան երեխաների շրջանում պատվաստումներում ամբողջական ընդգրկվածության միջին հանրապետական ցուցանիշը կազմել է 90% (նպատակային ցուցանիշը՝ 90%): 7 տարեկան երեխաների շրջանում պատվաստումներում ամբողջական ընդգրկվածության միջին հանրապետական ցուցանիշը կազմել է 96% (նպատակային ցուցանիշը՝ 90%):

Բնակչության շրջանում պատվաստումներում ընդգրկվածության բարձր ցուցանիշների շարունակական ապահովումը կնպաստի հանրապետությունում կառավարելի վարակիչ հիվանդությունների առումով բարենպաստ համաճարակային իրավիճակի պահպանմանը:

Վիրուսային հեպատիտներ

Հայաստանի Հանրապետությունում ապրիլ ամսին նախորդ տարվա նույն ժամանակահատվածի համեմատ սուր վիրուսային հեպատիտի հիվանդացության ցուցանիշը աճել է 1.4 անգամ:

Սույն թվականի ապրիլ ամսին արձանագրվել է սուր վիրուսային հեպատիտի 7 դեպք: Վարակման հավանական պատճառները և ուղիներն են՝ սեռական ուղին, բժշկական և ոչ բժշկական ինվազիվ միջամտությունները:

Քիմիական թունավորումներ

Հայաստանի Հանրապետությունում ապրիլ ամսվա ընթացքում արձանագրված քիմիական թունավորումների 39.9%-ը գրանցվել է Երևան քաղաքում, իսկ 60.1%-ը՝ մարզերում: Արձանագրված դեպքերի գերակշիռ մասը՝ 45.1%-ն առաջացել է օրգանական լուծիչների, շմոլ գազի և այլ կենցաղային նյութերի թունավոր ազդեցությունից, ինչը պայմանավորված է շմոլ գազով թունավորումների սեզոնային բարձրացումով, 17.2%-ն՝ ալկոհոլային թունավորումներից՝ ալկոհոլի բարձր չափաբաժինների ընդունումից, 19%-ը՝ դեղամիջոցներով թունավորումներից՝ ինքնաբուժման և ծնողի անուշադրության հետևանքով, 7.5% թունավոր կենդանիների խայթոցից, 2.2%-ն՝ օճառների և լվացող նյութերի թունավոր ազդեցությունից, 4.8%-ը՝ թունաքիմիկատների և 3.4%-ն՝ այլ և չճշտված ծագման թունավոր նյութերի ազդեցությունից:

2019թ. ապրիլ ամիսին նախորդ տարվա նույն ժամանակահատվածի համեմատ, քիմիական թունավորումների հիվանդացության ցուցանիշը աճել է 1.3 անգամ:

Մակարածային հիվանդություններ

Հանրապետությունում 2019թ. ապրիլին մալարիայի համաճարակային իրավիճակը հանգիստ էր, մալարիայի բերովի դեպքեր չեն արձանագրվել: 2019թ. ապրիլին ՀՀ-ում արձանագրվել է ընդերային լեյշմանիոզի 2 դեպք՝ 1-ը՝ Լոռու մարզից (մահվան ելքով), մյուսը՝ ք. Երևանից և Լայմի հիվանդության 1 դեպք՝ Տավուշի մարզից (0-2 տարեկան տարիքային խումբ):

Սննդային թունավորումներ

Հանրապետության տարածքում ապրիլ ամսին արձանագրվել է սննդային թունավորման 4 դեպք՝ 5 տուժածով, որից սնկից թունավորման 3 դեպք՝ 4 տուժածով, և բոտուլիզմի 1 դեպք՝ 1 տուժածով: 0-14 տարեկան երեխաների շրջանում սննդային թունավորման դեպքեր չեն արձանագրվել: Սննդային թունավորման դեպքերն արձանագրվել են Շիրակի, Արմավիրի և Լոռու մարզերում: Սնկից թունավորման պատճառ է հանդիսացել տուժածների կողմից հավաքած սունկը, իսկ բոտուլիզմի պատճառ է հանդիսացել տնային պայմաններում պահածոյացված սունկը: Սննդային

թունավորման դեպքերի վերջնական ախտորոշումը դրվել է համաճարակաբանական տվյալների և կլինիկական նշանների հիման վրա:

Սննդային թունավորման դեպքերի կանխարգելման նպատակով օջախներում իրականացվել է բժշկահիգիենիկ գիտելիքների տարածում՝ սննդային թունավորումների առաջացման պատճառների, կանխարգելման հիմնական սկզբունքների վերաբերյալ: Սննդային թունավորումների կանխարգելման վերաբերյալ, բնակչության իրազեկվածության բարձրացման նպատակով տարբեր լրատվամիջոցներով պարբերաբար իրականացվում է քարոզչություն:

Կատարող՝ Աննա Աղաջանյան
ԱՆ «ՀՎԿ ԱԶԳԱՅԻՆ ԿԵՆՏՐՈՆ» ՊՈԱԿ